

0220010

**Էլեկտրոնային հաղորդակցության ծառայությունների
մատուցման պայմանագիր
N ԱԺ-ԲԸԱՀԾՁԲ-ՅՈՒՔՈՄ/2013**

ք. Երևան

13 Նոյեմբեր 2013թ.

«Յուքոմ» ՍՊԸ Ընկերությունը, ի դեմս ընկերության կոմերցիոն տնօրեն Արամ Բարսեղյանի, ով գործում է N 002/13 լիազորագրի հիման վրա, այսուհետ՝ «Օպերատոր», մի կողմից, և ՀՀ Ազգային ժողովի աշխատակազմ, ի դեմս աշխատակազմի ղեկավար Գուրգեն Դումանյանի, ով գործում է աշխատակազմի կանոնադրության հիման վրա, այսուհետ՝ «Բաժանորդ», մյուս կողմից (այսուհետ՝ Բաժանորդը և Օպերատորը միասին՝ «Կողմեր», իսկ առանձին՝ «Կողմ»), կնքեցին սույն պայմանագիրը (այսուհետ՝ «Պայմանագիր») հետևյալի մասին:

1. Պայմանագրի առարկան

1.1. Սույն պայմանագրով Օպերատորը պարտավորվում է Բաժանորդին մատուցել էլեկտրոնային հաղորդակցության ծառայություններ (այսուհետ՝ «Ծառայություններ»), որոնց նկարագրության, քանակի և սակագնային փաթեթների մասին տեղեկությունները ներկայացված են սույն Պայմանագրի անբաժանելի մասը կազմող N 1 հավելվածում և/կամ Օպերատորի պաշտոնական վեբ կայքում (www.ucom.am), իսկ Բաժանորդը պարտավորվում է վճարել այդ ծառայությունների համար՝ սույն Պայմանագրով սահմանված կարգով և ժամկետներում:

2. Ծառայությունների մատուցման հիմնական պայմանները

- 2.1. Օպերատորի կողմից մատուցվող Ծառայությունները պատշաճ կերպով ստանալու համար սույն Պայմանագիրը ստորագրելուց հետո անհրաժեշտության դեպքում Օպերատորի կողմից Բաժանորդին է տրամադրվում Սարքը:
- 2.2. Սույն Պայմանագրի իմաստով «Սարք» է համարվում այն սարքավորումը կամ սարքավորումները, որոնց միջոցով Օպերատորը կազմակերպում կամ մատուցում է իր ծառայությունները:
- 2.3. Օպերատորի կողմից Սարքը տեղադրելուց, կարգաբերելուց և այն Բաժանորդի տիրապետմանը հանձնելուց հետո Բաժանորդի և Օպերատորի միջև կնքվում է Սարքի հանձնման-ընդունման ակտ, որը հանդիսանում է սույն Պայմանագրի անբաժանելի

մասը:

- 2.4. Օպերատորի կողմից տրամադրվող Սարքը, մալուխը և դրանց պատկանելիքներն ու մասերը, ինչպես նաև Օպերատորի կողմից դրանց վրա կատարված ցանկացած փոփոխության և/կամ վերանորոգման արդյունք, եթե այլ բան գրավոր կերպով նախատեսված չէ Կողմերի միջև, համարվում են Օպերատորի սեփականությունը:
- 2.5. Բաժանորդը չի կարող իրեն տրամադրված Սարքը, մալուխը, դրանց պատկանելիքներն ու մասերը վճարովի կամ անհատույց հիմունքներով փոխանցել, վարձակալությամբ տրամադրել երրորդ անձի կամ որևէ փոփոխության ենթարկել: Պայմանագրի լուծման դեպքում Օպերատորի կողմից տրամադրված Սարքը և մալուխը վերադարձվում են Օպերատորին:
- 2.6. Բաժանորդը պարտավոր է փոխհատուցել իր կողմից Սարքի անբարեխիղճ պահպանման, ոչ լիազորված վերանորոգման, Սարքի վրա տեղադրված հոլոգրաֆիկ տարբերանշանի կանխամտածված ջնջման, փոփոխման կամ այլ կերպ վնասման հետևանքով Օպերատորին հասցված բոլոր վնասները:
- 2.7. Օպերատորի աշխատակիցների կողմից տեղադրված Սարքերի կարգաբերման, տեղադրման, հանձնման, սպասարկման և այլ անհրաժեշտ աշխատանքների իրականացման բացառիկ իրավունքը պատկանում է Օպերատորի աշխատակիցներին:
- 2.8. Այն դեպքում, երբ Ծառայությունը մատուցվում է Օպերատորի կողմից տրամադրվող մալուխով, Բաժանորդը պատասխանատու է մալուխի շենք մտնելու և շենքում մալուխի անցկացման թույլտվությունների ձեռքբերման համար:
- 2.9. Բաժանորդը պարտավորվում է սույն Պայմանագրով մատուցվող Ծառայություններից օգտվել «Էլեկտրոնային հաղորդակցության մասին» ՀՀ օրենքի դրույթներին համապատասխան:
- 2.10. Ֆիքսված հեռախոսակապի ծառայությունից օգտվելու դեպքում Բաժանորդը պարտավորվում է իրեն տրամադրված հեռախոսահամարն օգտագործել այն աշխարհագրական տարածքում, որի համար, համաձայն ՀՀ Հանրային ծառայությունները կարգավորող հանձնաժողովի 20.12.2012թ. թիվ 540Ա որոշման, հատկացված է տվյալ տարածքային կոդը:
- 2.11. Սույն պայմանագրի 2.10. կետը խախտելու դեպքում Բաժանորդը պարտավորվում է Օպերատորին ամբողջությամբ փոխհատուցել վերջինիս կրած բոլոր վնասները՝ Օպերատորի կողմից այդ մասին ծանուցում ստանալու պահից 7 (յոթ) օրվա ընթացքում:

3. Կողմերի իրավունքներն ու պարտականությունները

3.1. Օպերատորն իրավունք ունի՝

- 3.1.1. Բաժանորդից պահանջել ժամանակին վճարելու սույն Պայմանագրով փաստացի մատուցված Ծառայությունների դիմաց,
- 3.1.2. Բաժանորդի կողմից սույն Պայմանագրի պայմանների և կետերի խախտման դեպքում միակողմանի հրաժարվել Պայմանագրից և ապամոնտաժել իր կողմից տեղադրված մալուխներն ու Սարքը,
- 3.1.3. Բաժանորդի կողմից սույն Պայմանագրով սահմանված ժամկետներում չվճարելու դեպքում Բաժանորդից պահանջել վճարելու տույժ՝ յուրաքանչյուր ուշացված օրվա համար ամսական վճարի 0,05 (գրո ամբողջ հինգ հարյուրերորդական) տոկոսի չափով,

- 3.1.4. մատուցված ծառայությունների դիմաց վերջինիս կողմից պատշաճ վճարումներ չկատարելու դեպքում Բաժանորդին ժամանակավորապես անջատել ցանցից՝ մինչ վերջինիս կողմից գոյացած պարտքի ամբողջական մարումը: Այս դեպքում, Օպերատորը պարտավոր է Բաժանորդին գրավոր ծանուցել կասեցման մասին կասեցումից առնվազն տասն օր առաջ,
- 3.2. Օպերատորը պարտավոր է՝
- 3.2.1. Ծառայությունները մատուցել պատշաճ որակով՝ սույն Պայմանագրում ամրագրված պայմաններին և ժամկետներին համապատասխան,
 - 3.2.2. սույն Պայմանագրի գործողության ընթացքում Ծառայություններից օգտվելու համար Բաժանորդին հատկացնել Սարքը և/կամ կատարել համապատասխան ցանցային միացումներ՝ կապված Սարքի տեղադրման հետ,
 - 3.2.3. ողջամիտ ժամկետում անհատույց իրականացնել Սարքի վերանորոգման, վերականգնման աշխատանքները՝ ի հայտ եկած Սարքի արտադրական խոտանի դեպքում, և վերացնել ի հայտ եկած սխալներն ու անսարքությունները, եթե այդ թերությունները գտնվում են Օպերատորի հսկողության տակ,
 - 3.2.4. սակագների փոփոխությունների մասին Բաժանորդին տեղյակ պահել նոր սակագների կիրառումից առնվազն 30 (երեսուն) օր առաջ:
- 3.3. Բաժանորդն իրավունք ունի՝
- 3.3.1. պահանջել Օպերատորից Պայմանագրի կնքման պահից սկսած 15 (տասնհինգ) աշխատանքային օրվա ընթացքում իրեն տրամադրել սույն Պայմանագրի 1.2. կետում նշված Ծառայությունները, եթե Ծառայությունների տրամադրման ընթացքում ի հայտ չեն եկել անլուծելի տեխնիկական խնդիրներ,
 - 3.3.2. պահանջել Օպերատորից իրեն տրամադրել անհրաժեշտ տեղեկատվություն՝ մատուցվող Ծառայություններից ճիշտ և անվտանգ օգտվելու համար
- 3.4. Բաժանորդը պարտավոր է՝
- 3.4.1. ժամանակին և սույն Պայմանագրով սահմանված կարգով վճարել փաստացի մատուցված Ծառայությունների համար Հավելված 1-ով նախատեսված րոպեավճարը, անգամ եթե Օպերատորի հսկողությունից դուրս գտնվող տեխնիկական կամ այլ պատճառների հետևանքով, Բաժանորդը չի օգտվել Ծառայություններից, կամ եթե վերջինս չի կարողացել կարգաբերել սեփական ցանցը և ապահովել Ծառայությունների որակյալ ընդունումը:

4. Ծառայությունների մատուցման կասեցումը, դադարեցումը և վերաակտիվացումը

- 4.1. Օպերատորն իրավունք ունի կասեցնել, սահմանափակել կամ դադարեցնել Բաժանորդին մատուցվող Ծառայությունները՝ առանց այդ մասին վերջինիս ծանուցման, եթե Բաժանորդը՝
 - 4.1.1. օգտագործել է չտերտիֆիկացված և/կամ Օպերատորի ցանցի հետ անհամատեղելի կամ ցանցի պատշաճ աշխատանքին խոչընդոտող սարք,
 - 4.1.2. խախտել է սույն Պայմանագրի պայմանները կամ գործող օրենսդրության պահանջները:
- 4.2. Բաժանորդը կարող է անվճար կարգով ժամանակավորապես կասեցնել/դադարեցնել մատուցվող Ծառայությունները 10 (տասը) օրից մինչև 2 (երկու) ամիս ժամկետով՝ Օպերատորին ներկայացնելով համապատասխան դիմումը և վճարելով մինչ այդ օրն իրեն մատուցված Ծառայությունների դիմաց:

4.3. Բաժանորդի կողմից դիմումում նշված Ծառայությունների մատուցումը ժամանակավորապես կասեցնելու/դադարեցնելու ժամկետը լրանալուց հետո Բաժանորդին մատուցվող Ծառայություններն ավտոմատ կերպով վերսկսվում են: Եթե Բաժանորդը ցանկանում է ժամանակավորապես կասեցնել/դադարեցնել իրեն մատուցվող Ծառայություններն ավելի քան երկամսյա ժամկետով, ապա նա համապատասխան դիմումը ներկայացնելուց հետո պարտավոր է Օպերատորին հետ վերադարձնել Սաբբը՝ կատարելով համապատասխան վճարումներ, եթե այդպիսիք սահմանված են Օպերատորի կողմից, այդ թվում՝ վճարային պարտքը, տույժերը, Օպերատորի կողմից կատարված աշխատանքների և այլ փաստացի կատարված ծախսերի դիմաց վճարները:

5. Ծառայությունների գինը և վճարման կարգը

5.1. Սույն պայմանագրի համաձայն Օպերատորի կողմից Բաժանորդին վճարման ենթակա գումարը /պայմանագրի գինը/ կազմված է.

5.1.1. Բաժանորդային վճարից՝ 4 800 000 ՀՀ դրամ (ներառյալ ԱԱՀ) տարեկան, որը հաշվարկվում և վճարվում է ամսական կտրվածքով՝ փաստացի մատուցված ծառայությունների վճարի հետ միաժամանակ,

5.1.2. Ինչպես նաև փաստացի մատուցված էլեկտրոնային հաղորդակցության ծառայությունների վճարից, որը հաշվարկվում է ամսական կտրվածքով՝ համաձայն սույն պայմանագրի անբաժանելի մաս կազմող Հավելված 1-ում ամրագրված գնացուցակի (նշված գները ներառում են ԱԱՀ):

5.2. Բաժանորդի կողմից սույն Պայմանագրով սահմանված Ծառայությունների համար վճարումը կատարվում է Օպերատորի կողմից հաշիվ-ապրանքագիրը և հավելված 2-ով ամրագրված օրինակելի ձևին համապատասխան կազմված հանձնման-ընդունման արձանագրությունը ներկայացնելուց հետո 15 (տասնհինգ) օրվա ընթացքում, բայց ոչ ուշ, քան մինչև հաշվետու ամսվան հաջորդող ամսվա վերջին օրը ներառյալ, բացառությամբ դեկտեմբեր ամսվա ընթացքում մատուցված ծառայությունների համար վճարման ենթակա գումարների, որը վճարվում է տվյալ տարվա դեկտեմբեր ամսին:

5.3. Տվյալ տարվա դեկտեմբեր ամսվա գումարը Բաժանորդը տրամադրում է որպես կանխավճար: Կանխավճարի մարումն իրականացվում է հանձնման-ընդունման արձանագրությունների հիման վրա կատարվող վճարումներից նվազեցումներ (պահումներ) կատարելու ձևով: Յուրաքանչյուր դեպքում նվազեցվող (կանխավճարի մարվող) գումարի չափը որոշվում է պայմանագրի ընդհանուր գնի նկատմամբ վճարվող գումարի համամասնությամբ:

5.4. Սույն Պայմանագրի հավելվածներով սահմանված վճարներից բացի, հեռուստատեսային առանձին ծառայությունների և ֆիքսված հեռախոսակապի ծառայությունների դեպքում Բաժանորդից կարող են գանձվել հավելյալ վճարներ՝ Օպերատորի վեր կայքում տեղադրված և Օպերատորի սպասարկման գրասենյակներում ներկայացված պայմաններին և սակագներին համապատասխան:

6. Կողմերի պատասխանատվությունը

6.1. Սույն պայմանագրի N 1 հավելվածով նախատեսված պարտավորությունների

- չկատարման դեպքում Օպերատորից գանձվում է տուգանք՝ խախտում կատարելու ամսվա դրությամբ պայմանագրի գնի 0.5 (զրո ամբողջ հինգ տասնորդական) տոկոսի չափով:
- 6.2. Սույն պայմանագրով նախատեսված Ծառայության մատուցման ժամկետը խախտելու դեպքում Օպերատորից յուրաքանչյուր ուշացված օրվա համար գանձվում է տույժ՝ խախտում կատարելու ամսվա դրությամբ պայմանագրի գնի 0.05 (զրո ամբողջ հինգ հարյուրերորդական) տոկոսի չափով:
- 6.3. Տույժի վճարումը չի ազատում Կողմին սույն պայմանագրով ստանձնած պարտավորությունների կատարումից:
- 6.4. Օրենքի թույլատրելի սահմաններում Կողմերը սույնով հրաժարվում են միմյանց անուղղակի վնասների և բաց թողնված օգուտների հատուցման պահանջներից: Ցանկացած պարագայում Օպերատորի պատասխանատվությունը Բաժանորդի հանդեպ չի կարող գերազանցել Բաժանորդին մատուցվող Ծառայությունների դիմաց տվյալ ամսվա համար գանձվող ամսական գումարի՝ Օպերատորի մեղքով Ծառայություններից օգտվելու անհնարինության ժամկետին համամասնորեն հաշվարկված գումարը:
- 6.5. Օպերատորը պատասխանատվություն չի կրում.
- 6.5.1. դժբախտ պատահարի կամ իր գործընկերների (այդ թվում՝ օտարերկրյա) կամ գործակալների միջոցով փոխանցվող ազդանշանների կամ մատուցվող Ծառայությունների խափանման կամ դադարեցման հետևանքով առաջացած ընդհատումների, անջատումների, խափանումների կամ որոշակի տեսակի Ծառայությունների, Սակագնային Պլանների/Փաթեթների մեջ կատարված փոփոխությունների համար,
- 6.5.2. Բաժանորդին պատկանող հեռախոսների կամ այլ սարքավորումների անսարքության պատճառով Ծառայությունների պատշաճ չընդունման կամ ընդհատման համար,
- 6.5.3. աշխատանքների, մասնավորապես՝ ընթացիկ, ցանցի ամրապնդման, պահպանման, ընդարձակման կամ վերանորոգման հետևանքով առաջացած ընդհատումների և խափանումների համար, եթե դրանք չեն գերազանցում ամսական 16 (տասնվեց) ժամը:
- 6.6. Հեռախոսակապի ծառայության մատուցման դեպքում սույն Պայմանագրի անբաժանելի մասը կազմող հավելվածում նշված յուրաքանչյուր սակագնային փաթեթ(ներ)ի համար սահմանված գները նախատեսված են Օպերատորի պաշտոնական վեբ կայքում նշված քանակով համակարգիչների միացման և օգտագործման համար:
- 6.7. Բաժանորդն իրավունք չունի այլ անձի օտարել կամ փոխանցել սույն Պայմանագրով ստանձնած իր իրավունքներն ու պարտականությունները: Բաժանորդն է Օպերատորի համար հանդիսանում միակ պատասխանատուն՝ սույն Պայմանագրով ստանձնած իր պարտավորությունների չկատարման կամ ոչ պատշաճ կատարման, վճարումները ժամանակին չվճարելու, ինչպես նաև Օպերատորին պատճառված իրական վնասի համար:
- 6.8. Օպերատորը պատասխանատվություն չի կրում վճարումներն ընդունող միջնորդի կողմից սահմանված կանոնների համաձայն որևէ լրացուցիչ միջնորդավճարի գանձման համար:

- 6.9. Բաժանորդը պատասխանատու է Սարքի, ինչպես նաև Սարքն օգտագործելու համար հանձնման-ընդունման ակտի հիման վրա իրեն փոխանցված կամ Սարքին միացված սարքավորումների, մալուխների, լարերի և այլ պարագաների համար և դրանց փչացման, սխալ օգտագործման, կորստի, վնասվածքի կամ հափշտակության դեպքում պարտավոր է Օպերատորին փոխհատուցել դրանց դիմաց:

7. Պայմանագրի գործողության ժամկետը

- 7.1. Սույն Պայմանագիրը գործում է ուժի մեջ մտնելուց մեկ տարի ժամկետով և տարածվում է 2013թ. սեպտեմբերի 1-ից Կողմերի միջև ծագած հարաբերությունների նկատմամբ:
- Պայմանագրի ժամկետը լրանալուց ոչ ուշ, քան 15 (տասնհինգ) օր առաջ մյուս Կողմին Պայմանագիրը լուծելու մասին գրավոր կերպով չտեղեկացնելու դեպքում Պայմանագրի ժամկետը երկարաձգվում է հերթական 1 (մեկ) տարի ժամկետով: Երկարաձգումների քանակը սահմանափակված չէ:
- 7.2. Սույն Պայմանագիրը կարող է վաղաժամկետ լուծվել Կողմերի փոխադարձ համաձայնությամբ կամ Կողմերից որևէ մեկի նախաձեռնությամբ: Նախաձեռնող Կողմը պարտավոր է այդ մասին գրավոր ծանուցում ուղարկել մյուս Կողմին առնվազն 30 (երեսուն) օր առաջ:
- 7.3. Սույն Պայմանագրի անբաժանելի մասը կազմող Հավելված 1-ում նշված մատուցվող Ծառայությունների հասցե/ների փոփոխության դեպքում Բաժանորդը պարտավորվում է առնվազն 15 (տասնհինգ) օր առաջ այդ մասին ծանուցել Օպերատորին:
- 7.4. Պայմանագրի գործողության դադարեցումը Կողմերին չի ազատում միմյանց նկատմամբ Պայմանագրի գործողության ընթացքում առաջացած պարտավորությունների կատարումից:

8. Անհաղթահարելի ուժի ազդեցությունը (Ֆորս-մաժոր)

- 8.1. Սույն Պայմանագրով պարտավորությունները մասնակիորեն կամ ամբողջությամբ չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է սույն Պայմանագիրը կնքելուց հետո և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, սաբոտաժը, պետական մարմինների ակտերը և այլն, որոնք անհնարին են դարձնում սույն Պայմանագրով սահմանված պարտականությունների կատարումը:
- 8.2. Եթե արտակարգ ուժի ազդեցությունը շարունակվում է 3 (երեք) ամսից ավել, ապա Կողմերից յուրաքանչյուրն իրավունք ունի լուծել Պայմանագիրը՝ այդ մասին նախապես գրավոր ծանուցելով մյուս Կողմին:

9. Եզրափակիչ դրույթներ

- 9.1. Պայմանագրի ցանկացած փոփոխություն կամ լրացում կատարվում է գրավոր՝

Կողմերի փոխադարձ համաձայնությամբ և կազմում է Պայմանագրի անբաժանելի մասը:

- 9.2. Եթե տվյալ տարում Բաժանորդի համար բյուջեով նախատեսվել են ավելի քիչ միջոցներ, քան պայմանագրի գինն է, ապա հաջորդող տարիներին Ծառայությունների մատուցումը կիրականացվի հաջորդող տարիներին միջոցներ նախատեսվելու դեպքում՝ լրացուցիչ համաձայնագիր կնքելու միջոցով: Ծառայության մատուցման համար տվյալ տարվան հաջորդող տարում միջոցներ չնախատեսվելու դեպքում, այդ մասով պայմանագիրը կլուծվի:
- 9.3. Կողմերը պարտավորվում են միջոցներ ձեռնարկել մյուս Կողմի կոնֆիդենցիալ տեղեկատվության գաղտնիության պահպանման համար և չհրապարակել այն երրորդ անձանց առանց մյուս Կողմի գրավոր համաձայնության՝ բացառությամբ ՀՀ օրենսդրությամբ սահմանված դեպքերի:
- 9.4. Սույն Պայմանագրի շրջանակում Կողմերի միջև ծագած վեճերը և տարաձայնությունները լուծվում են բանակցությունների միջոցով 5 (հինգ) աշխատանքային օրվա ընթացքում: Համաձայնություն ձեռք չբերելու դեպքում վեճերը լուծվում են դատական կարգով:
- 9.5. Սույն Պայմանագիրը կազմված է հայերեն լեզվով 2 (երկու) հավասար իրավաբանական ուժ ունեցող օրինակներից: Յուրաքանչյուր Կողմին տրվում է մեկական օրինակ:

10. Կողմերի վավերապայմանները և ստորագրությունները

Օպերատոր

«Յուրոմ» ՍՊԸ

Իր. հասցե՝ ք. Երևան, Տերյան 19, բն.4

Գործ. հասցե՝ ք. Երևան, Սայաթ-Նովա 40/1

Հեռ.՝ 374 11 444444

Ֆաքս՝ 374 60 444441

ՀՎՀՀ 00024873

«Էյչ-Էս-Բի-Սի Բանկ Հայաստան» ՓԲԸ

Հ/Հ 001-264993-001

Կոմերցիոն տնօրեն՝



Ա. Բարսեղյան

Բաժանորդ

ՀՀ ԱԺ աշխատակազմ

ք. Երևան, Մ. Բաղրամյան պող. 19

ՀՀ ՖՆ գործառնական վարչություն

Հ/Հ 900011020089

ՀՎՀՀ 00008519

ՀՀ ԱԺ աշխատակազմի ղեկավար՝



Գ. Դումանյան

Սույն Հավելված 1-ը հանդիսանում է
14.11. 2013թ. կնքված թիվ N ԱԺ-ԲԸԱՀԾԶԲ-ՅՈՒՔՈՍ/2013
Էլեկտրոնային հաղորդակցության ծառայությունների մատուցման
սլայմանագրի անբաժանելի մասը

Հավելված 1

1. Տրամադրվող ծառայություններ և տեխնիկական բնութագիր

Ծառայության տեսակ	Քանակ	Բաժանորդային վարձ ներառյալ ԱԱՀ	Տարեկան գումար ՀՀ դրամով ներառյալ ԱԱՀ
1	2	3	4
Ֆիքսված ծառայություն			
E1 Ծառայություն	2	80.000 դր	160.000
Հեռախոսահամարների շարք UPhone 180 անվճար րոպե	400	600 դր	240.000
Ընդամենը /ամսեկան/			400.000
Բոպեավճարներ			
ՀՀ քաղաքային ցանցեր (ֆիքս.)		4 դր	
ՀՀ մարզեր (ֆիքս.)		14 դր	
ՀՀ Բջջային		24 դր	
ԼՂՀ (բջջ)		28 դր	
ԼՂՀ (ֆիքս.)		18 դր	

Միջքաղաքային զանգերի գները ներկայացված են Յուրոմ վեբ կայքում
<http://www.ucom.am/hy/uPhoneConnect.html>

Օպերատոր

«Յուրոմ» ՍՊԸ
Իր. հասցե՝ ք. Երևան, Տերյան 19, բն.4
Գործ. հասցե՝ ք. Երևան, Սայաթ-Նովա
40/1
Հեռ.՝ 374 11 444444
Ֆաքս՝ 374 60 444441
ՀՎՀՀ 00024873
«Էյ-Էս-Բի-Սի Բանկ Հայաստան» ՓԲԸ
Հ/Հ 001-264993-001

Կոմերցիոն տնօրեն՝



Ա. Բարսեղյան

Բաժանորդ

ՀՀ ԱԺ աշխատակազմ
ք. Երևան, Մ. Բաղդամյան պող. 19
ՀՀ ՖՆ գործառնական վարչություն
Հ/Հ 900011020089
ՀՎՀՀ 00008519

ՀՀ ԱԺ աշխատակազմի ղեկավար՝



Գ. Դումանյան

Սույն Հավելված 2-ը հանդիսանում է
 14.11. 2013թ. կնքված թիվ N ԱԺ-ԲԸԱՀԾՁԲ-ՑՈՒՔՈՍ/2013
 Էլեկտրոնային հաղորդակցության ծառայությունների մատուցման
 պայմանագրի անբաժանելի մասը

Հավելված 2

Օպերատոր

գտնվելու վայրը _____
 հհ _____
 հվհհ _____

Բաժանորդ

գտնվելու վայրը _____
 հհ _____
 հվհհ _____

ԱՐՁԱՆԱԳՐՈՒԹՅՈՒՆ N ՀԱՆՁՆՄԱՆ-ԸՆԴՈՒՆՄԱՆ

<<____>> <<____>> 20 թ.

Պայմանագրի անվանումը՝ _____

Պայմանագրի կնքման ամսաթիվը՝ <<____>> <<____>> 20 թ.

Պայմանագրի համարը՝ _____

Բաժանորդը՝ ի դեմս _____ և Օպերատորը՝ ի
 դեմս _____, հիմք ընդունելով, որ
 պայմանագրով նախատեսված՝ ստորև նշված աշխատանքները, մատակարարումները և ծառայությունները
 (այսուհետև՝ աշխատանքներ) համապատասխանում են պայմանագրով ամրագրված տեխնիկական
 բնութագրերին և գնման ժամանակացույցին՝ կազմեցին սույն արձանագրությունը հետևյալի մասին.

Պայմանագրի շրջանակներում Կատարողը _____ 20__թ-ից _____ 20__թ. ընկած
 ժամանակահատվածում իրականացրել է հետևյալ աշխատանքները

Գնման առարկայի անվանումը	Գնման առարկայի քանակական ցուցանիշը	Աշխատանքների կատարման ժամկետը	Վճարման ենթակա գումարը (հազար դրամ)	Վճարման ժամկետը (ըստ ժամա- նակացույցի)
Ընդամենը				

Աշխատանքը հանձնեց

 ստորագրություն

 Ազգանուն, Անուն
 Կ.Տ.

Աշխատանքը ընդունեց

 ստորագրություն

 Ազգանուն, Անուն
 Կ.Տ.

13.11.13թ. կնքված N ԱԺ-ԲԸԱՀԾՁԲ-ՅՈՒՔՈՍ/2013
պետական գնման պայմանագրի

ք. Երևան

05.08.2015թ.

«Յուքոմ» ՍՊԸ Ընկերությունը, ի դեմս ընկերության կոմերցիոն տնօրեն Արամ Բարսեղյանի, ով գործում է N 002/13 լիազորագրի հիման վրա, այսուհետ՝ «Օպերատոր», մի կողմից, և ՀՀ Ազգային ժողովի աշխատակազմ, ի դեմս աշխատակազմի ղեկավար Հրայր Թովմասյանի, ով գործում է աշխատակազմի կանոնադրության հիման վրա, այսուհետ՝ «Բաժանորդ», մյուս կողմից (այսուհետ՝ Բաժանորդը և Օպերատորը միասին՝ «Կողմեր», իսկ առանձին՝ «Կողմ»), ղեկավարվելով ՀՀ քաղաքացիական օրենսդրությամբ և 11.13թ. կնքված N ԱԺ-ԲԸԱՀԾՁԲ-ՅՈՒՔՈՍ/2013 պետական գնման պայմանագրի 7.1 կետը, փոխադարձ համաձայնությամբ կնքեցին սույն համաձայնագիրը /այսուհետ՝ Համաձայնագիր/ հետևյալի մասին:

1. Համաձայնագրի առարկան

1.1 Պայմանագրի 7.1 կետը խմբագրել նոր բովանդակությամբ <<Սույն Պայմանագիրը գործում է ուժի մեջ մտնելուց մեկ տարի ժամկետով և տարածվում է 2013թ. սեպտեմբերի 1-ից Կողմերի միջև ծագած հարաբերությունների նկատմամբ: Պայմանագրի ժամկետը լրանալուց ոչ ուշ, քան 15 (տասնհինգ) օր առաջ մյուս Կողմին Պայմանագիրը լուծելու մասին գրավոր կերպով չտեղեկացնելու դեպքում Պայմանագիրը գործում է անժամկետ:>>:

1.2 Պայմանագրի 9.2 կետը խմբագրել նոր բովանդակությամբ <<Ծառայության մատուցման համար տվյալ տարվան հաջորդող տարում միջոցներ չնախատեսվելու դեպքում, այդ մասով պայմանագիրը լուծվում է:>>:

2. Այլ պայմաններ

2.1 Սույն համաձայնագրում չնշված՝ կողմերի Պայմանագրով նախատեսված իրավունքներն ու պարտականությունները թողնվում են անփոփոխ:

2.2 Սույն համաձայնագիրը կազմված է 1 էջից, կնքված է հայերեն լեզվով՝ երկու օրինակից, որոնք ունեն հավասարազոր իրավաբանական ուժ, յուրաքանչյուր կողմին տրվում է մեկական օրինակ:

3. Կողմերի հասցեները, բանկային վավերապայմանները և ստորագրությունները

Օպերատոր

Բաժանորդ

«Յուքոմ» ՍՊԸ

Իր. հասցե՝ ք. Երևան, Տերյան 19, բն.4

Գործ. հասցե՝ ք. Երևան, Սայաթ-Նովա 40/1

Հեռ.՝ 374 11 444444

Ֆաքս՝ 374 60 444441

ՀՎՀՀ 00024873

«Էյ-Էն-Բի-Սի Բանկ Հայաստան» ՓԲԸ

Հ/Հ 001-264993-001

Կոմերցիոն տնօրեն՝



Ա. Բարսեղյան

ՀՀ ԱԺ աշխատակազմ

ք. Երևան, Մ. Բաղրամյան պող. 19

ՀՀ ՖՆ գործառնական վարչություն

Հ/Հ 900011020089

ՀՎՀՀ 00008519



ՀՀ ԱԺ աշխատակազմի ղեկավար՝

Հ. Թովմասյան